

Enformaziuns y Comunicaziuns

Grup de Oraziun: En dédemesaledema ai 15 d'aorí ales 20:00 s'encunta te calogna le grup de oraziun con signor Sepl Granruaz. Le grup è davert, enviès è düc cancé.

Oraziun por la Sinoda: Ai 30.11.2013 è pié ia dla ploania da Reschen, fora por dotes les ploanies dla diozeja, en cufer con na Bibia, na ciandëra, en album, na morona con 281 perles - co stá por les 281 ploanies dla diozeja - y en sfëi de oraziun. Ai 16 y 17 de aorí róa le cufer te dlijia d'Al Plan. Le vëndres ai 17 ales 6 da sèra saràl te dlijia na funziun olache i orun perié le Rosseri ch'al ti dá con so Spirit Sant forza y entusiasma ala Sinoda y ala Dlijia, da se renové sön so tru tal dagnì.

Pelegrinaje/1: Les ères dla Val Badia tol pert al pelegrinaje de dotes les ères dla diozeja en Jënn, en sabeda ai 18 d'aorí. Al vën inçe organisé en bus dla Val Badia demez. Enformaziuns y prenotaziuns čina ai 15 d'aorí pa Angela al nr. 338/2430045.

Pelegrinaje/2: Al 1. de mà vëgnel fat en pelegrinaje a Weissenstein. An pëia ia ales 6:00 sön plaza dal Cone, cole bus fina sölè Lé de Čiarëza, spo a pè a Weissenstein. Ales 16:00 èl Mëssa, dedò vàn a Tluses a cëna. Se prenoté pa Hartmann Frontull al 347/2388302.

Stödafüs: I Stödafüs d'Al Plan lascia alessëi che en vëndres ai 17 d'aorí, dales 9:00 ales 12:00, pòn jí pa magazinn a lascé čiaré dò i destödadás (Trodenlöschler).

Comun: Ai 10 de mà èl lites de Comun. I litadus co s'à pordü la cherta da lité o co à la cherta plëna, è bel enviès da jí adorassà tal ofize lital de Comun por damané dò na cherta nea. Por d'atres enformaziuns pòn cherdé sò l'ofize lital al 0474/503749 o 503750.

Zënter Families Mareo: Le ZFM organisëia en curs sön le porté i pici mituns. Ai 15 d'aorí dales 10 ales 12 è düc i enterescës enviès te local dal ZFM a na pröma encuntada olache al vën rospognü a domandes sön le porté (Tragetücher, Tragehilfen). Les encuntades va ennant ai 29/04 y 13/05 (porté mituns da 0 a 3 mënsch) y ai 15/07 (mituns da 4 a 12 mënsch). Prenotaziuns y enformaziuns fina ai 14/04 pa Sofia Triggiano al 338/7173577. La partezipaziun è debann. I geniturs dess gní con le möt.

Enformaziun: Le grup LOJO (Lobby Jogn) motü adöm da istituziuns desvalies s'à tut dant da fà val' por i temesc co reverda la jonëza. Önn dai obietifs è da daidé i jogn ciapé tal monn dal laür. En lönesc ai 13/04 ales 20:00 èl te Raiun Sozial Ingrid Daprà co enformëia sön l'aprendistat. Dedò èl le consulënt dal laür Giorgio Costabiei co baia de practicums, de marcé dal laür y les poscibilités de laür te nosta valada. Düc è enviès.

Impressum: Ploania d'Al Plan, str. Catarina Lanz nr. 46, 39030 Al Plan de Mareo.

Comunicaziuns - čina al dédemesaledema sèra - da mené a: Pablo Palfrader

Tel. 333 4762010 Mail: ploaniaalplan@gmail.com

Download plata: www.comun.mareo.bz.it o inçe www.valbadiaonline.it



Ploania
d'Al Plan
de Mareo

La plata de
Ploania

E-Mail: ploaniaalplan@gmail.com - Radio de Ploania: 93,00 MhZ
Telefönn y fax de calogna 0474/501006




福若瑟
VAL BADIA

2. Dom. de Pasca - Domëgna Blančia, ai 12.04.15 - nr. 20

Sc'i ne vëighi nia, ne crëi nia!

Dal Vagnele do San Jan 20, 19 - 31

²⁴Tomesc, nominé Didimus (jomelin), önn dai dodesc, n'ea nia pa d'ëi, canche Gejü ea gnü. ²⁵I atri discepu ti à spo dit: I àn odü le Signur. Al ti à rospognü: Sc'i ne vëighi nia les ferides dai agüs te söes mans y sc'i ne pò nia mëter mio dëit tal büsc dai agüs y mia man te so piet, ne crëi nia. ²⁶Otedé dedò ea sü discepu endò abinës adöm, y Tomesc ea laprò. Danlò èl gnü Gejü - les portes ea slütes pro - è jü amesa ëi ete y à dit: Pësc a os! ²⁷Spo ti àl dit a Tomesc: Tin ca to dëit - tlò è mies mans! Tin ca tóa man y mëtela te mio piet, y no ester descherdant, mo cherdant! ²⁸Tomesc ti à rospognü: Mio Signur y mio Dio! **Parora dal Signur. - Lalt a té, Gejü Crist!**



Leben Sie jetzt die Fragen:
Vielleicht leben Sie dann
allmählich, ohne es zu merken,
eines fernen Tages
in die Antwort hinein.

Rainer Maria Rilke

Reflesciun sölè Vagnele

Tomësc è en realist desco trec d'atri - laôta y aldédancö. Al crëi mà či che al vëiga. Ai podess pò ti an cunté dant en gröm. Pa Tomësc vëgnel tler de či che ara nen và: dla domanda "Cò röii pa iu ala fede?" O inçe: "Cò pòi pa roé plü sot te mia fede?" Tomësc pò ester por nos en ejompl: al ne crëi nia mà ensciö ala lesiera. Al dij fora tler olache al dubitëia. Dal ater vers ne lãscel gnanca atira ester. Al ò empò capí plü avisa. Gejü, le Rosseri, vën danter i discepu. Al se mostra propio inçe a Tomësc, co protlamëia: "Mio Signur y mio Dio!" Y nos? Či esperionzes ànse pa nos con le Rosseri? Y cara è pa nosta testimonianza? (Messbuch 2015 Butzon - Bercker)

Domëgna: 12.04: Dominica in Albis: Domëgna Blanca


Oferta por i bojügn dla Ploania

8.30: *Gran mëssa a La Pli*

9.30: **Funziun dla Domëgna**

10.00: **S.M. por dōta la Comunitè**

18.00: S.M. 1. aniv. por +nt Tone Ties dal Nora
S.M. por +nta Veneranda Piazza Rindler
S.M. en onù dai Agni Custodi por la Fam. De Mano
S.M. por +nc' Comploi Canzio, Tille y Rita de Mano



Lön. 13.04:

Lönesc, S.Martin, Sa.Ida, S.Paul

18.00: S.M. por +ntes Simonetta Zorzi y Paula Valentin Popa
S.M. por +nc' Sepl y Maria Crazzolara
S.M. por +nc' Franz y Angela Federa

Dédol. 14.04:

Sa.Lidvina, Sa.Ernestina

7.30: *S.M. a La Pli*

Dédem.15.04

Sa.Huna, S.Damiano Dev.

18.00: S.M. aniv. por +nt Hans Leimegger Hot.Condor
S.M. por +nta Clara Maria
S.M. por +nta Magdalena Flatscher (grup Volont.)
S.M. por +nt Bratti Enrico
S.M. por +nc' Trebo de Pire

Jöbia 16.04:

S.Benedikt, S.Ojöp, Sa.Bernardeta

19.30: *S.M. a La Pli*

Vëndr.17.04.:

S.Rudolf, S.Eberhard, S.Max Ojöp

7.10: **S.M. por i scolari**
S.M. por +nt Adolf Ties, Valiares
S.M. por +nt Mutschlechner Peter, Longega
S.M. por +nta Alberti Laura

!!! 18.00: **Funziun de oraziun por la Sinoda**

Sab. 18.04.:

SS.Ciascian y Vigile, S.Sciander

7.30: *S.M. a La Pli*

17.00: **Poscibilitè da se pissiè**

18.00: S.M. por +nc' Anita y Carlo Dragotto
S.M. por +nta Maria Maneschg Tamers, de Burcia
S.M. por +nta Alessandri Cinzia
S.M. de renger. dla vita por Lies Comploi de Mano



Domëgna 19.04: 3. Domëgna do Pasca: Kassiansonntag,

Oferta por i bojügn dla Ploania

8.30: *Gran Mëssa a La Pli*

9.30: **Funziun dla Domëgna**

10.00: **S.M. por dōta la Comunitè**

La misericordia mûda la Tera

La domëgna do Pasca è nominada Domëgna Blanca y da Papa Jan Paul inçe festa dla Misericordia.

Particolarmonter le Papa Francësch nes mêt a cōr le tru dla misericordia y encûnda por le 2016 en Ann Sant sot al tema dla misericordia.

Le Signur è tan misericordius y Èl ne se stancia mai da nes pordené.

"Nos sun strumoné dla misericordia, la forza de sò amur mûda inçe nosta vita.; en pû'de misericordia fej le monn miù y manco frëit", ensciö le Papa.

Aldédancö adora la Dlijia la facolté da curé ferides y da scialdé i cōrs dla jont.

pr

Signur tö es dagnora ennanter nos


Tö n'os nia meseria y soferënza, mo ligrëza.
Tö patësces con vignönn co patësc sōla tera.
Tö azetëies vignönn che se confida con te.
Tö se toles sō te vigne post desco en fre.

Chi co se lascia tō sō da te

se sont unis a Gejù Crist ressori.

Canche la porsona se deura ala misericordia de Dio,
ressorëscera a vita nea.

Frère Roger Schutz



**Wo der menschliche Zweifel nicht ist,
da ist nicht die Antwort
des Heiligen Geistes.**

Hildegard von Bingen

Sabine schreibt an eine Illustrierte: „Bei jedem Rendezvous erscheint mein Verlobter unrasiert. Was kann ich dagegen tun?“ Die Briefkastentante rät: „Versuchen Sie, pünktlich zu sein!“

Die Lehrerin besucht mit ihrer Klasse das Museum für moderne Kunst. „Dieses Bild“, erklärt sie, „soll Mutter und Kind darstellen.“ In die ratlose Stille hinein fragt Tamara: „Und warum tut es das nicht?“

Sorvisc dai Ministroné

Lönesc 13/04 (18:00h); Dédemesaledema 15/04 (18:00h), Vëndres 17/04

(07:10h): Max Maneschg, Matio Erlacher;

Sabeda 18/04 (18:00h): Melanie, Martina, Jasmin y Alexa Ties, Esther Comploi, Alice Daverda;

Domëgna 19/04 (10:00h): Andrè y Manuel Ties, Moriz Videsott, Anna y Jan Trebo, Alex Rubatscher;

